


www.BibleForChildren.org

Matiu 26



To, ni nan gur
iwiin iloob le Juu
yaab ji Lakr-jer
aajim ngbaan, le Yesu
buen Betani aatiŋ ni. Lasarus,
u Yesu nan fikr u nkun ni na,
mu nan bi nima. Le Mari
yoor tulalee u kpa kidaak
sakpen na kpalba ubaa, ki di ŋmir
Yesu aataa, ki di uyikpir per utaa.
Tulalee ngbaan aah nu mɔ na,
waabaam gaa kidiik ni. Bi yin tulalee
ngbaan ke naad.



Le Yesu aadidiliib kipiik ni bilee ponn ni ubaa, bi yin u ke Judas Iskariot, buen Uwumbor aatotoorninkpiib chee, ki ti tuk bi ke u ban u di Yesu na bihaal ni la. Baah nun kina na, le ni na bi mpopiin. Le bi puu tipuur ke bi ga tii u njimombil. Le u ban nsan mu u ga di Yesu na bihaal ni na.




Le Yesu aadidiliib ɲa waah tuk
bi pu na, le ki gor njim ngbaan
aajikaar. Baah bi ji tijikaar na, le
Yesu yoor boroboro, le ki doon
Uwumbor, ki gii, ki di tii
waadidiliib, ki bui bi, "Gaa ki li
ɲmɔ man. Nwon le na."



U nan yoor kiyinyook mu, le ki doon Uwumbor, ki di tii bi, le ki bui bi, "Ni momok nyu man. Maasin le na. Maasin pu, le Uwumbor puu tipuupoln ki tii nimi. Maasin ga nya binib pam aatunwanbir pu, aan Uwumbor di cha pinn bi."



Le Yesu bui Simonn Piita, "Simonn, Simonn, lik, kinimbɔŋ kan nshan ke ki tɔŋ nimi, aan ni lir. Le m mee Uwumbɔr tii si, aa taa di cha maasan. Aa yaa ki gir ni ki nan dii mi kan, pɔɔn aanaabitiib aataakpab." Le Piita bui u, "Ndindaan, m ga ŋmaa kpaan aa chee kiyondiik ni. M ni si ga ŋmaa kpaan ki kpo." Le Yesu bui u, "Piita, m tuk si la, din, aa ga len nfum mutaa ke saa nyi mi, le ukooja nin wii."



U ni waadidiliib nan ti fuu nibaa chee, le bi yin nima chee ke Getsemane. Le u bui bi, "Kal do man, aan m buen nibaa chee ki ti mee Uwumbor." Le u foor siib, ki doon kitin lichichikr, ki mee Uwumbor ke ni yaa ga nmaa na aan u taa ji falaa u choo na kan, u taa cha u ji falaa ngbaan, ki bui ke, "Nte, aa ga nmaa na tiwan momok. Nyan mi falaa u choo na ni. Aa mu tee na saageehn, ki taa na maageehn."




Le Judas nan di butɔb aajib ni bitutum bi nyan ni Uwumbɔr aatotoorninkpiib ni Farisii yaab chee na, ki buen kisaak ngbaan ni bi ti chuu Yesu. Bi nan joo ni karyaamam, ni tijawan. Le waadidiliib ponn ni ubaa di kijaak aajuk ki gaa per Uwumbɔr aatotoorninkpel aatutunn aatafagiir. Le Yesu bui bi, "Di cha kina man," le ki di unjaal meeh utafal le ki cha li pɔɔk.



Le bi chuu Yesu ki di u buen Uwumbor aatotoorninkpel aadichal ni. Le Piita paa u pu ki bi dandar. Le bi tuur mmii lichiln ngbaan ni, ki ka gob mu. Piita mu nan ti kal bi chee ki ka bikaasisik ni.



Le Uwumbor
aatotoorninkpel
aanaagbiib ponn ni
ubaa, u ye uja u Piita
gaa per utafal na aana
aabo ubaa na, baa u,
“Maa ba kan si Yesu
chee kisaak ngbaan ni
ii?” Le Piita ki nee.
Libuul ngbaan ni le
ukooja wii. Le Piita nyan
lipaal, ki ti wii pam.




Bi mómok nan fii, le ki di Yesu buen
kitiŋ ngbaan aaninkpel chee, bi nan
yin u ke Pailat, u mók Israel yaab.
Le Pailat baa u, "Aa ye Juu yaab
aabor la aa?" Le u bui u,
"Saah len pu na, ni ye
kina." Pailat nan ban u
di Yesu lii, nima pu le u ki
len kinipaak ngbaan chee.
Le bi ki teen ke, "Kpaa u

ndɔpuinkoo pu. Kpaa u
ndɔpuinkoo pu."




Baah len kina na, le u di Yesu
na biɲaal ni, bi ti kpau
ndɔpuinkoo pu. Le bi gaa u, ki
cha u yoor waadɔpuinkoo, le bi
di u nyan kitin ponn ni, ki buen
nibaa chee, bi yin nima chee ke
"Kiyikpaɲ aapepel." Juu yaab
aaliin ponn ni, bi yin nima chee
ke "Golgota."



Le butɔb aajab ngbaan kpaɔ u
ndɔpuinkoo pu nima chee, le ki kpaɔ
bijab bilee mu idɔpuinkee pu. Bi kpaɔ
ubaa unɔangan wɔb, ki kpaɔ
uken unɔangii wɔb.
Le Yesu nan bi
bikaasisik ni.



Nwiin aa ki wiin. Le likekeln li yakr Uwumbor aadiik ni
nfum mulee na chuu kar paacham, ki ti saa kitiŋ. Le
Yesu teen mpoon pu, le ki bui ke, "Nte Uwumbor, m di
maawiin ŋa aŋaŋal ni la." Waah len
kina na, le u kpo.



U mu nan bi kii Uwumbor aanaan
aah ga fuu ni buyoonn na. Ni nan
ye kitaak ki ga woln Juu
yaab aakpaakool daal na,
buyoonn bi gor ke bi ji
likpaakool daal na.

Le Josef buen
Pailat chee ni
lipobil, ki ti bui
u, "Tii mi Yesu
aawon."



Josef nan daa likekenyaan, ki nyan
Yesu aawon ndɔpuinkoo pu, ki
di u poo likekeln ngbaan ni,
ki di u ti sub kitakpalun ni.
Bi nan gbii kitakpalun
ngbaan
litakpasakpeln libaa
aasikakl ni la.

Le u di
litakpapapaln
lenj mbisamɔb.



Le ki woln Juu yaab aakpaakool daal,
le Uwumbor aatotoorninkpiib ni
Farisii yaab kuun Pailat
chee, le ki bui u, "Timi
aaninkpel, ti teer ke
unyamondaan ngbaan
aah nan bi na, u nan
bui ke u yaa kpo
kan, iwiin itaadaal
u ga fikr
nkun ni."



Le bi buen ki ti dab litakpal li len
likaakul aamob na, ki cha
bikikiirb ka kii li.




Juu yaab aakpaakool aah jin
ki woln kitaak na, le Mari
Magdalene ni Mari uken na
buen ti lik likaakul ngbaan
kichakpinaanyeeek ni.

Le kitinj denj sakpen;
ba pu? Uwumbor
aatuun ubaa nan
nyan ni paacham,
le ki nan

chuu lekr litakpal
ngbaan, le ki kal li
pu. Bikikiirb aah kan
u na, le ijawaan chuu
bi sakpen, le biwon
gbaa, le bi lir
ki fik.



Le Uwumbor aatuun ngbaan bui
bipiib ngbaan, "Ni taa san
ijawaan man. M nyi ke ni
ban Yesu u bi nan kpa a u
ndɔpuinkoo pu na la.
Waa bi do. U fikr
nkun ni, waah nan
len pu na."




“Dan man ki nan lik waah ba do
nin chee na, aan ki buen mala ki ti
tuk waadidiliib ke u fikr nkun
ni a, ki loIn bi pu nsan ki
cha Galilee aatiŋ ni. Bi
ga ti kan u nima.
Nimina le m ban m
tuk nimi.”



Bipiib ngbaan nan san ijawaan, ki mu tee kpa mpopiin pam. Le bi siir likaakul chee mala, ki san buen ke bi ti tuk Yesu aadidiliib Uwumbor aatuun ngbaan aah tuk bi pu na. Baah cha na, le Yesu ton bi nsan ni, le ki doon bi. Le bi gbaan unimbiin ni, ki joo u, le ki dooni u.





Nimina aapuwɔb, le waadidiliib kipiik ni ubaa ka ji tijikaar. Baah bi ji na, le Yesu di ubaa mɔk bi, le ki kae bi, ke ba ŋa baa pak binib bi kan u, waah fikr nkun ni aapuwɔb na aah len pu na, ke bitafal le pɔɔ. Baa gaa u ki kii mbamɔm. Tidindaan Yesu aah len bi chee tibɔr doo na, le Uwumbɔr di u buen paacham, le u ti kal unɔngii wɔb.



Uwumbor aah gee dulnyaa aanib
sakpen pu na, nima le u di
Ujapɔnbaal tii ni ke unii umok gaa u ki
kii na taa kpo, u li kpa limofal li kaa
kpa ndoon na.



Rom Yaab 3:23 binib mómok tun titunwanbir la, kaa gbiin Uwumbor aanimbil.

Rom Yaab 6:23 Titunwanbir aapar ye nkun la. Tidindaan Yesu Kristo pu le Uwumbor aapiin ye limofal li kaa kpa ndoon na.

Hiibru Yaab 9:27 Uwumbor siin ke binib ga kpo nfum mubaa la, nee aapuwob le u ga ji bi tibor.

Efesus Yaab 2:8,9 Naah gaa Yesu ki kii pu na, le ni nmar, Uwumbor aanimbaasaln pu. Naa ye nimi nibaa pu le ni nmar. Ni ye Uwumbor aapiin la. Naa ye nimi aatunyaan pu le ti nmar, ubaa taa li kpa kipupuk.

Rom Yaab 10:9,10 Aa yaa len binib aanimbil ni ke Yesu le ye Aadindaan, ki yaa naadii aasui ni ke Uwumbor fikr u nkun ni kan, aa ga nmar.



Ti gaa u ki kii tisui ni la, nima le Uwumbor len ke timi aabor
nan. Ti len binib aanibil ni ke ti gaa u ki kii, nima le ti nmar.

Jonn 3:16,17 Uwumbor aah gee dulnyaa aanib sakpen pu
na, nima le u di Ujaponaal tii ni ke unii umok gaa u ki kii na
taa kpo, u li kpa limofal li kaa kpa ndoon na. Uwumbor tun ni
Ujapoon dulnyaa ni. Waa tun ni u ke u nan ji dulnyaa wee ni
aanib tibor, u tun ni u ke u gaa bi lii la.

1 Jonn 5:11-13 Uwumbor aah len pu na le ye ke u tii timi
limofal li kaa kpa ndoon na, ke limofal ngbaan bi Ujapoon ni.
Unii umok kpa Uwumbor Aajapoon na le kpa limofal ngbaan.
Unii umok kaa kpa Uwumbor Aajapoon na aa kpa limofal
ngbaan. M nme tibor tee tii nimi bi gaa Uwumbor Aajapoon
ki kii na, ke ni bee ke ni kpa limofal li kaa kpa ndoon na.



Matiu 26-28; Luk 22-24; Jonn 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Konkomba Bible (xon) ©1998, 2014 Wycliffe Bible
Translators, Inc. All rights reserved.

<https://live.bible.is/bible/XONDPI/GEN/1>

©2025 Bible for Children, Inc.

www.M1914.org

www.bibleforchildren.org

